



**Ethica Amoris, Sive Theologia Sanctorum, Magni
Praesertim Augustini, Et Thomae Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Sacramentis In Genere Et Specie - Libros Octo Complectens

Henricus, de Sancto Ignatio

Leodii, 1709

Caput 252. Variæ in Confessario dotes, seu qualitates requiruntur, ad
istud ministerium vitè obeundum.

[urn:nbn:de:hbz:466:1-73212](https://nbn-resolving.org/urn:nbn:de:hbz:466:1-73212)

CAPUT CCL.

Invalida est confessio facta Sacerdoti heretico, schismatico, notorie excommunicato, suspensio, irregulari.

2759 **R**atio est, quia talis Sacerdos jurisdictionem non habet, nec clavium usum; utpote quem ipsis Ecclesia subtraxit. Ita S. Thomas q. 19. Supplem. a. 6. Unde qui à talibus Sacramenta petunt, lethaliter peccant, ut constat ex dictis l. 1. Si tamen excommunicatio sit occulta, nec nota poenitenti, validum est Sacramentum. Quia jurisdictionis usum in taliter excommunicato tolerat Ecclesia; juxta extrav. *ad evitanda scandala*. Si etiam poenitens sit in articulo mortis constitutus, plerique cum Navarrio censent absolvi posse ab excommunicato denunciato. Sed S. Congregatio apud Fagnanum ad cap. *non est vobis* de sponsal. & matrim. declaravit oppositum. Et cum S. Congregatione Fagnanus ibidem oppositum multipliciter ostendit. Pro quo stant etiam S. Thomas, S. Antoninus, noster Bachonius, & Veteres passim.

CAPUT CCLI.

Valde periculosum est, juxta doctrinam Sanctorum, confessionibus audiendis se ingerere, absque signis vocationis divinae.

2760 **S**inem tanta sint investiva SS. Patrum in eos qui Ecclesiasticos Ordines absque divina vocatione assumunt; longè major est ratio invenendi in eos qui ad officium Confessarii absque divina se vocatione ingerunt: cum salus illorum longè magis periclitetur, quàm illorum, necessarianaque esse vocationem Dei ad suscipiendum istud officium, gravissimæ rationes suadeant.

2761 **P**rimò, quia ars artium est regimen animarum, cujus proinde honorem quisquam sibi sumere non debet, sed qui vocatur à Deo tamquam Aaron. Cum enim sit ars difficillima, periculosissimaque, ejus sibi honorem sumere, tanta presumptio est, ut Mellissius Doctor ferm. 10. in Cant. exclamet: *ad regimen animarum sese ingerere, quanta impudentia est!*

2762 **S**ecundò, quia exactam à Confessario rationem exigit Deus de omnibus animabus, quarum audierit confessiones, deque omnibus, & singulis earum confessionibus auditis, absolutionibus impartitis, profectò conscientium neglecto, emendatione efficaciter non procurata, convenienti satisfactione non imposita, salutaribus remediis non applicatis, pulvillis positis sub omni cubito manns, &c.

2763 **T**ertio, quia pro isto ministerio malè administrato plurimi (aliàs vitæ sanctioris, austeriorisque) peccatorum alienorum participes effecti damnantur, qui aliàs salutem æternam consequerentur, juxta illud: *si cæcus cæco ducatur præset, ambo in foveam cadunt.*

2764 **Q**uartò, vel unius animæ cura Cardinali Berullo visa est magis ardua, quàm cura regni amplissimi. In animarumque directione, vel nimia remissione, vel districtiori, quàm par est, severitate non labi, tantum opus, tantus labor est, ut pauciores sint, quàm dici queat, tantæ provincie pares; nec sine assensu sibi divina sapientia lumine potest quis jura Dei sic tueri, ut hominum infirmitatem non opprimat; nec sic hominum imbecillitati confulere, ut in jura Dei non peccet.

2765 **N**eque indoctis dumtaxat id maximè arduum est, sed & doctis; utpote quos nisi Deus specialiter illustrat, & induat virtute ex alto, facile est, sive

ex pusillanimitate, sive ex culpabili defectu celestis prudentia, sive ex defectu luminis, sive ex defectu fortitudinis plurima omittere, quæ si omiffa non fuissent, damnati non fuissent, qui ipsis confessi sunt.

Quintò, quia occasione hujus ministerii, auditionisque confessionum, præsertim alterius scdus, frequentes occurrunt tentationes & pericula non parva, dum istius scdus deteguntur miseria, magnaque ad peccatum carnis pronitas, quam diabolus repræsentare non cessat, ut ad peccatum istud alliciat. Quæ profectò tentationes, & pericula superari nequeunt absque speciali Dei gratia: de qua fundatè præsumere non potest, qui istius ministerii honorem sibi assumit, non vocatus à Deo tamquam Aaron.

Sextò, quia Confessarii officium est corda fidelium à vitii retrahere, ad Deique & justitiæ amorem excitare; ad quod consequendum, necesse est, ut voci ejus Deus det vocem virtutis, & per gratiam suam operetur in cordibus, quod ipse hortando suggerit auribus. Quas gratias non meretur, qui absque signo divinæ vocationis istum ministerio se ingerere præsumit.

CAPUT CCLII.

Varia in Confessario dotes, seu qualitates requiruntur, ad istud ministerium rite obeundum.

EAs recenset S. Carolus in Concilio suo Mediolanensi l. p. 2. tit. de pertinentib. ad Sacram. Poenitentia: *in probandis Confessoribus hanc rationem habeant Episcopi, ut pii, bene morati, docti, prudentes, patientes, de animarum salute solliciti, & fideles custodes sint eorum quæ in confessione dicuntur. Quibus fortitudo & benignitas addi potest. Oportet enim Confessarium fortiter & suaviter in ministerio suo agere. Omnes istas qualitates complectuntur duo versiculi sequentes.*

Sit probus & fortis, Confessor, sique peritus, Discretus, patiens, mitis, pius, atque fidelis.

Itaque necessaria Confessario imprimis est moralis probitas. Nimirum, ut vitæ viam subditis vivendo denuntiet, & grex, qui Pastoris vocem moresque sequitur, per exempla melius, quàm per verba gradiatur. . . . Illa enim vox libentis auditorum cor penetrat, quàm dicentis vita commendat. S. Gregorius Pastoral. p. 2. c. 3. Enimvero ad virtutes in aliis promovendas multùm juvat illud in se primùm ostendere, quod in aliis positum desiderat (pius enim movent exempla, quàm verba) nec alios valet edocere virtutem, qui non habet.

Deinde Confessarius magnà debet prædix esse patientià, ut tam poenitentium crimina, quàm libet enormia, quàm eorum rusticitatem, ignorantiam, imbecillitatem, tarditatem, aliosque defectus patienter ferat, juvet, poenitenteseque, licet rusticos, ignoantes, stupidos, & valde defectuosos, peramanter suscipiat, exemplo patris, filium prodigum, licet squalidum, foetentem, lacerum, dissolutum cum meretricibus patrimoniorum, paterno affectu complectentis, & super eum flentis. Exemplo etiam Salvatoris, qui discipulos, tametì rusticiores, patienter sustinuit, & compassus fuit peccatoribus. *Quomodo enim se sibi cur audiam præbet (inquit Ambrosius l. 1. de poenit. c. 1.) qui contempnit se, non compassioni, Medico suo patet esse futurum? Ideò Dominus Jesus compassus nobis est, ut ad se vocaret, non deterreret. Misit venit, venit humilis. Denique ait: venite ad me omnes qui laboratis, & onerati estis, & ego vos reficiam. Respicit ergo Dominus Jesus, non excludit, neque abiecit. Meritoque tales discipulos elegit, qui dominicæ voluntatis interpretes, plebem Dei colligerent, non repudiarent.* *Unde*

Unde liquet, eos inter Christi discipulos non esse habendos, qui dura pro promissis, superba pro humilibus sequenda opinantur, & cum ipsi quarant Domini misericordiam, aliis denegant. Et lib. 2. c. 8. me (inquit) perditam vocatis ad Sacerdotium... ut consolere velim peccantibus aspectu intimo (haec enim summa virtus: quia scriptum est: & non gaudebit super filiis Juda, in die perditionis eorum) sed quotiescumque peccatum alicujus lapsi exponitur, compassar, nec superbe increpem, sed luceam & deseam, ut dum aliam seo, meipsum deseam, dicens: justificata est magis Thamar, quam ego. Fortasse adolescentula lapsa sit; occasionibus, quae delictorum fontes sunt, decepta ac precipitata sit; peccata & nos. Repugnat in nobis lex hujus carnis legi mentis nostrae, & captivos nos trahit in peccatum, ut faciamus quod volumus. Illi de atate suppositi excusatio; mihi jam nulla. Illa enim debet discere; nos docere. Ergo justificata est magis Thamar, quam ego. Incusamus alicujus avaritiam? recordemur, si nihil ipsi avari fecimus; & si fecimus... dicamus singuli: justificata est magis Thamar, quam ego. Si commoti fuerimus in quemquam graviter, leviores causas Laicus habet, quam Episcopus, vel Sacerdos, eo quod commotus egerit aliquid. Retrahemus nobiscum, & dicamus: justificatus est magis iste, qui commotionis arguitur, quam ego. Itaque, ut S. Carolus ait in Instruct. Confess. confessiones aequo animo audiant, nec poenitentes inconfessos dimittant, nec aegre eos audire quoquo modo significent; sed e contra efficiant, ut poenitentibus innotescat, sibi gratissimos esse pro eorum salute labores.

2771 Tertiò, necessaria est Confessario pietas, ad omnia utilis. Non solum utique pietas in Deum, quã & sibi caeleste auxilium, & poenitentibus gratiam & misericordiam impetret orando, meditando, aliaque pietatis exercitia frequentando; sed & in proximum, secundum id quod dicitur cap. qui vult de poenit. dist. 6. Sacerdos peccatis cognitis adsit benevolus, paratus erigere, & secum onus portare, habeat dulcedinem in affectione, pietatem in alterius crimine, discretionem in varietate. Adjuret contentem orando, elemosinas dando, & cetera bona pro eo faciendo: semper enim juvet leniendo, consolando, spem promittendo, & cum opus fuerit, etiam increpando. Docet loquendo, instruat operando, sit particeps laboris, qui particeps vult fieri gaudis, &c.

2772 Quarto, ipsi necessaria est mansuetudo & benignitas, ex sincero proveniens desiderio salutis proximi, per quam corda poenitentium stimulantur ad libenter audiendum & exequendum monita instructionesque Confessarii. Est enim regina cordium mansuetudo; nec est in commotione, nec in igne Dominus; sed in sibilo auræ tenuis. Cum magna proinde tranquillitate, & suavissima mansuetudine Confessarius cum poenitentibus agere debet, ut ipsos convertat. Neque enim duritiam cordis ipsorum Confessarii durities franget, sed pietas & mansuetudo, relucens in modo agendi cum ipsis, ita ut si eos oportet increpare, id fiat in spiritu lenitatis: quem faciliè concipiet Sacerdos, si reflectat 1.º assumendum sibi agendi modum, qui suo congruat ministerio, animarumque conversioni & saluti. Quem in finem necesse est corda poenitentium suavitate & mansuetudine captivare. 2.º si reflectat tantam esse hominis fragilitatem, ut non sit peccatum, quod facit homo, quod non faceret alter homo, si non succurreret Deus, Reitor ille benignus, à quo factus est homo. Ea igitur mansuetudine agere debet cum peccatore, quã secum agi vellet, si peccasset. Agat igitur cum peccatore, non solum mansuetè, sed & affectuose. Ut enim moveat alium, primum moveatur oportet. Intellegat ergo poenitens, Confessarium sibi loqui ex affectu cordis, sinceroque

desiderio suæ salutis. Et si qua aspera subinde ei injungere oporteat, vel absolutionem differre, affero modo non injungat, nec differat, sed suavi & benigno.

Quintò, necessaria est ipsi fortitudo contra humeros respectus, ut sciat vitis non parcere, Dei gloriam animarumque salutem dumtaxat quærere, non laudes, nec favores hominum, multitudinemque poenitentium. Idè sic mitis esse debet, suavis & benignus, ut non sit mollis & remissus. Non deterreat poenitentes morosâ severitate, nec ipsis aduletur noxiâ blanditiâ. Non ponat pulvillo sub omni cubito manûs. Cùmque sit animarum Medicus, corporum Medicos imitetur, qui amarum potionibus aliquid dulcedinis immiscet, quò facilius ab ægris forbeantur. Et sicut illi ferum & ignem adhibent, dum id medicinae ratio exposcit, nec sanitas aliter potest recuperari; sic spiritualis Medicus fortiora adhibeat remedia, dum aliter curari nequeunt animarum vulnera.

Ut enim Cyprianus (sæpe laudatus) ait, qui peccantem blandimentis adulantibus palpat, peccandi fomitem subministrat... At qui consiliis fortioribus redarguit, simul & instruit fratrem, promovet ad salutem... Vociferetur & clamet licet, & conquaratur æger impatiens per dolorem: gratias ages postmodum, cum senseris sanitatem. Hoc tamen fiat cum mansuetudine, fiat cum compassione, fiat cum debita moderatione. Sit Confessor Samaritanus (inquit Petrus Blesensis lib. de poenit.) infundens oleum misericordiae, vinumque sufficit. Habeat conscientia ejus, quasi arca fœderis, manna & virgam, ut scias compati & ignoscere, arguere & monere... Medium autem teneat; ne nimia remissio, vel nimia asperitas sit in eo, certumque poenitentiae modum, juxta sanctorum Patrum instituta, præscribat. Beatus enim Gregorius falsas poenitentias vocat, quæ non secundum auctoritatem Sanctorum, & pro qualitate criminum imponuntur.

Præter morum probitatem, patientiam, pietatem, mansuetudinem, fortitudinem, Poenitentiae Ministro necessaria est scientia, prudentia & fidelitas in servando confessionis secreto. De quibus postea.

CAPUT CCLIII.

Oportet Confessarium esse instructum triplicè scientiâ, Judicis, Medici, & Doctoris, saltem in gradu convenienti & mediocri, esse non sublimi & eminenti. Poenitentem verò oportet conformare se opinioni Confessoris, non contrâ.

Innocentius IV. cap. cum in cunctis de elect. & electi potest. scientiam (inquit) reputamus eminentem, quæ subtiles quaestiones discutere & definire novit, & in promptu responsiones habet. Ille habet medicam, qui scit aliquo modo examinare negotia, quamvis ad omnia nesciat respondere; & qui in libris veritatem eorum, qua scire tenetur, scit quaerere, esse in promptu omnia non habeat. Scientia quidem eminens optanda esset in Confessario; quemadmodum & in Episcopo & Parocho. Sed si sufficit ut electus in Episcopum vel Parochum, illius litteraturæ, licet non eminentis, tamen convenientis existat, ut pro defectu scientiæ ab electione non debeat excludi: hoc etiam sufficit in Confessario. Quamvis poenitentes, suæ perfectionis & salutis cupidi, ad doctiores potius confugere debeant, quam ad minus doctos, vel semidoctos, sicut periculoso morbo correpti, non obvium quemque Medicum eligunt, nec qualitercumque doctam, sed scientiâ experientiâque potiore. Præsertim cum S. Theresia cap. 5. vitæ suæ testetur,